

四庫全書

集部

欽定四庫全書

古詩紀卷五

明 馮惟訥 撰

古逸第五

銘

文心雕龍曰昔帝軒刻輿几以弼違大禹勒筍簾而招諫成湯盤盂著日新之規武王戶席題必戒之訓周公慎言於金人仲尼革容於敬器則先聖鑒戒其來久矣故銘者銘也觀器必也正名需用貴乎盛德蓋臧武仲之論銘也曰天子令德諸侯計功大夫稱伐若乃飛廉育石廓之錫靈公有蒿里之諡銘發幽石吁可怪矣趙靈勒跡於番禺秦昭刻傳於華山夸誕示後吁可陵也

湯盤銘

苟日新日日新又日新

商銘

國語郭偃曰商之衰也其銘有之○謂銘鼎之戒也

嗛嗛之德不足就也不可以矜而祇取憂叶於反也嗛嗛之食不足狃也不能為膏而祇離咎也嗛猶小也就歸就也食祿也狃

也貪

丹書

大戴禮曰武王踐阼三日召士大夫而問焉曰惡有藏之約行之萬世可以為子孫常者乎皆曰未

得聞也。召師尚父而問焉，曰：黃帝顓頊之道存乎？意亦忽不可得見。與尚父曰：在丹書。王欲聞之，則辭戒三日。王端冕尚父，亦端冕奉書道書之言云：云王惕若，恐懼退而為戒書。○記於物以自警戒也。即席几諸銘是也。

敬勝怠者吉，怠勝敬者滅。

叶莫
筆反

義勝欲者從，欲勝義者

凶。凡事不強則枉，弗敬則不正。枉者滅，廢敬者萬世

丹書

三十
九字

武王銘十七章

俱見大
戴禮

席四端銘

四章

安樂必敬

前左端銘

無行可悔

前右端銘

一反一側亦可不志

不志一作以

忘後左端銘

殷監

一作所監

不遠視爾所代

後右端銘

几銘

皇皇惟敬口口生垢口戕口

鑑銘

見爾前慮爾後

盥盤銘

與其溺於人也寧溺於淵

叶一反均反

溺於淵猶可游也溺於

人不可救也

救叶居尤反

楹銘

母曰胡殘其既將然母曰胡害

叶服憇反

其既將大

叶特計反

母

曰胡傷其既將長

殘害也

杖銘

惡乎危於忿癡惡乎失道於嗜慾惡乎相忘於富貴

帶銘

火滅修容慎戒必恭恭則壽

履屨銘

慎之勞勞則富

觴豆銘

食自杖食自杖戒之憍

居妖反

憍則逃

戶銘

夫名難得而易失無勤弗志而曰我知之乎無勤弗及
而曰我杖之乎擾阻以泥之若風將至必先搖搖

叶夷周反

雖有聖人不能為謀也

杖一作枝

牖銘

隨天之時以地之財

叶前
西反

敬祀皇天敬以先時

劔銘

帶之以為服動必行德行德則興倍德則崩

弓銘

屈申之義廢興之行無忘自過

矛銘

造矛造矛少間弗忍終身之羞余一人所聞以戒後世

子孫

武王書銘二十章

以下見用學紀開并玉海

太平御覽引太公金匱武王曰吾隨師尚父之言因為書銘隨身自誠

書冠

寵以著首將身不正遺為德咎

書履

行必慮正無懷僥倖

書劍

常以服兵而行道德行則福廢則覆

書車

自致者急載人者緩取欲無度自致而反

書鏡

以鏡自照則知吉凶

此與太公陰謀所載鏡銘畧同而彼義完美矣

書門

敬遇賓客貴賤無二

書戶

出畏之入懼之

書牖

闕望審且念所得可思所忘

書鑰

昏謹守深察訛

書硯

石墨相著而黑邪心讒言無得汙白

書鋒

忍之須臾乃全汝軀

書刀

刀利磴磴無為汝開

書井

原泉滑滑連旱則絕取事有常賦斂有節

几銘

以下二章見後漢書崔駰傳註引太公金匱曰吾欲造起居之戒隨之以身

安無忘危存無忘亡孰惟二者後必無凶

杖銘

輔人無苟扶人無咎

衣銘

以下三章見後漢書朱穆傳注引太公陰謀

桑蠶苦女工難得新捐故後必寒

鏡銘

以鏡自照見形容以人自照見吉凶

觴銘

樂極則悲沈湎致非社稷為危

筆銘

以下二章見太平御覽引太公陰謀

毫毛茂茂

叶房月反

陷水可脫陷文不活

箒銘

馬不可極民不可劇馬極則躓民極則敗

叶蒲昧反○困學記聞曰

蔡邕銘論謂武王踐阼咨于太師作席几楹杖器械之銘十有八章然攷金匱陰謀之書則不止於十八章矣書于篇後俾好古者有攷

周金版銘

文選注曰太公金匱云云武王曰請著金版○按七畧曰太公金版玉匱雖近世之文然多善者又抱朴子曰鄭君有玉匱記金版經然已不可攷姑載于周

屈一人之下申萬人之上

銅盤銘

武王封比干墓而作也

左林右泉前岡後道萬世之靈於焉是保

周嘉量銘

考工記曰巢氏為量其銘曰

時文思索允臻其極嘉量既成以觀四國永啓厥後茲

器維則

觀音貫時是也言惟是文德之君思索以求其理也極中也作為比量使天下取信而至其中

也觀
示也

金人銘

家語曰孔子觀周入后稷之廟有金人焉三緘其口而銘其背云云孔子既讀斯文也顧謂弟子曰小子識之此言實而中情而信

古之慎言人也戒之哉無多言多言多敗無多事多事多患安樂必戒無行所悔勿謂何傷其禍將長勿謂何害其禍將大勿謂不聞神將伺人焰焰不滅炎炎若何涓涓不壅終為江河綿綿不絕或成網羅毫末不札將

尋斧柯誠能慎之福之根也口是何傷禍之門也強梁者不得其死好勝者必遇其敵盜憎主人民怨其上君子知天下之不可上也故下叶音之知衆人之不可先也故後叶下之溫恭慎德使人慕之執雌持下人莫踰之人皆趨彼我獨守此人皆惑之我獨不徙內藏我知不示人技我雖尊高人莫我害江海雖左長于百川以其卑也天道無親常與善人戒之哉

鼎銘

左傳云宋正考父佐戴武宣
三命茲益其故共鼎銘曰

一命而倭再命而偃三命而俯循墻而走亦莫余敢

祖叶

侮體於是粥於是以糊余口

叶孔
五切

晉讒鼎銘

左傳晏嬰曰讒鼎之銘曰○服虔曰疾讒之鼎也
明堂位所云崇鼎一云讒地名禹鑄九鼎於甘讒
之地故云讒鼎

昧旦丕顯後世猶怠

以古音

況日不悛其能久

叶苟
起反

乎

叔邦父簠銘

見博
古圖

叔邦父作簠用征用行用從君王子子孫孫其萬年無疆

石槨銘

博物志曰衛靈公葬得石槨銘曰

不逢箕子靈公奪我里

一云不馮其子靈公奪而藏之

泰山刻石銘

文心雕龍曰始皇勒嶽政暴而文澤有踈通之美焉

史記曰始皇二十八年東行郡縣上鄒嶧山與魯諸儒生議刻石頌秦德乃遂上泰山立石封祠祀其所立石其辭曰

皇帝臨位作制明法臣下脩飭二十有六年初并天下

罔不賓服親巡遠方黎民

宋大觀中汶陽劉跂至泰山見其碑模之乃作親輒遠黎

登茲泰山周覽東極從臣思迹本原事業祇誦功德治

道運行諸產得宜皆有法式大義休明垂于後世順承

勿革皇帝躬聖既平天下不懈於治夙興夜昧建設長

利專隆教誨訓經宣達遠近畢理咸承聖志貴賤分明

男女理順慎遵職事昭隔

融一作

內外靡不清淨施于後

嗣化及無窮遵奉遺詔永承重戒

嶧山刻石銘

皇帝立國維初在昔嗣世稱王討伐亂逆威動四極武

義直方戎臣奉詔經時不久滅六暴強

三晉楚燕
齊六強國

二十

有六年上薦高號孝道顯明

叶

既獻泰成

謂告成
于天

乃降

專惠親巡遠方登于嶧山羣臣從者咸思攸長追念亂

世分土建邦以開事理攻戰日作流血於野自泰古始

世無萬數阨及五帝莫能禁止迺今皇帝一家天下兵

不復起災害滅除黔首康定利澤長久

叶苟
起反

羣臣誦畧

刻此樂石

石之堅精堪為樂器者如泗濱浮磬之數

以著經紀

琅邪臺刻石銘

史記曰始皇二十八年既封泰山於是乃竝渤海以東過黃膾窮成山登之罘立石頌秦德焉而去南登琅邪大樂之留三月乃徙黔首三萬戶琅邪臺下復十二歲作琅邪臺立石刻頌秦德明德意

維二十六年皇帝作始端平法度萬物之紀以明人事
合同父子聖智仁義顯白道理東撫東土以省卒士事
已大畢乃臨于海皇帝之功勤勞本身上農除末黔首

是富普天之下搏心揖志

索隱曰搏古專字左傳云如琴瑟之搏一揖音集

器

械一量同書文字日月所照舟輿所載皆終其命莫不
得意應時動事是維皇帝匡飭異俗陵水經地憂恤黔
首朝夕不懈除疑定法咸知所辟方伯分職諸治經易
舉措必當莫不如畫皇帝之明臨察四方尊卑貴賤不
踰次行姦邪不容皆務貞良細大盡力莫敢怠荒遠邇
辟隱專務肅莊端直敦忠事業有常皇帝之德存定四
極誅亂除害興利致福節事以時諸產繁殖黔首安寧

不用兵革六親相保終無寇賊驩欣奉教盡知法式六

合之內皇帝之土西涉流沙南盡北戶東有東海北過

大夏

叶音戶

人迹所至無不臣者

叶音堵

功蓋五帝澤及牛

馬

叶音婁

莫不受德各安其宇維秦王兼有天下立名為皇

帝乃撫東土至于琅邪列侯武成侯王離列侯通武侯

王賁倫侯

索隱曰爵卑於列侯無封邑者倫類也亦列侯之類

建成侯趙亥倫侯

昌武侯成倫侯武信侯馮毋擇丞相隗林

一作狀

丞相王

綰卿李斯卿王戊五大夫趙嬰五大夫楊膠從與議於

海上曰古之帝者地不過千里諸侯各守其封域或朝
或否相侵暴亂殘伐不止猶刻金石以自為紀古之五
帝三王知教不同法度不明假威鬼神以欺遠方實不
稱名故不久長其身未歿諸侯倍叛法令不行今皇帝
并一海內以為郡縣天下和平昭明宗廟體道行德尊
號大成羣臣相與誦皇帝功德刻于金石以為表經

之罘山刻石銘

史記二十九年始皇東
遊登之罘刻石其辭曰

維二十九年時在中春陽和方起皇帝東遊巡登之罘
臨照于海從臣嘉觀原念休烈追誦本始大聖作治建
定法度顯著綱紀外教諸侯光施文惠明以義理六國
回辟貪戾無厭虐殺不已皇帝哀衆遂發討師奮揚武
德義誅信行威燁克善反旁達莫不賓服烹滅彊暴振救
黔首周定四極普施明法經緯天下永為儀則大矣哉
宇縣之中承順聖意索隱曰協韻音憶羣臣誦功請刻于石表

垂于常式

之采東觀銘

維二十九年皇帝春游覽省遠方逮于海隅遂登之采

昭臨朝陽觀望廣麗從臣咸念原道至明叶聖法初興

清理疆內外誅暴強武威旁暢振動四極禽滅六王闡

并天下菑害絕息永偃戎兵叶通皇帝明德經理宇內

視聽不怠

索隱曰怠協旗疑韻怠音銅綦反故國語范
蘇曰得時不怠時不再來亦以怠與臺為韻

作立大義昭設備器咸有章旗職臣遵守各知所行事

無嫌疑黔首改化遠爾同度臨古絕尤

叶盈
之反

常職既定

後嗣循業長承聖治羣臣嘉德祇誦聖烈請刻之罽

叶貧

悲反

碣石刻石銘

史記三十二年始皇之碣石使燕人盧生求羨門高誓刻石門壞城郭決通隄防其辭曰○徐廣云

石門一

作盟門

遂興師旅誅戮無道為逆滅息武殄暴逆文復一作優

無

罪庶心咸服惠論功勞賞及牛馬恩肥土域皇帝奮威德并諸侯初一泰平墮壞城郭決通川防夷去險阻地

勢既定黎庶無繇天下咸撫男樂其疇女修其業事各有序惠被諸產久一作分竝來田莫不安所羣臣誦烈請刻此石垂著儀矩

會稽山刻石銘


史記三十七年十月始皇出游上會稽祭大禹望于南海而立刻石頌秦德其文曰

皇帝休烈平一字內德惠修長三十有七年親軋天下周覽遠方遂登會稽宣省習俗黔首齋莊羣臣誦功本原事迹追首高明叶秦聖臨國始定刑名顯陳舊章初

平法式審別職任以立恒常六王專倍貪戾傲猛率衆
自強暴虐恣行負力而驕數動甲兵叶陰通間使以事
合從行為辟方內飾詐謀外來侵邊遂起禍殃義威誅
之殄息暴悖亂賊滅亡聖德廣密六合之中被澤無疆
皇帝并宇兼聽萬事遠近畢清運理羣物考驗事實各
載其名貴賤竝通善否陳前靡有隱情飾省一作非宣義
有子而嫁倍死不貞防隔內外禁止淫佚男女潔誠夫
為寄殺之無辜男秉義程妻為逃嫁子不得母成化

廉清大治濯俗天下承風蒙被休經皆遵軌度和安敦
勉莫不順令叶平聲黔首修潔人樂同則嘉保太平後敬
奉法常治無極輿舟不傾從臣誦烈請刻此石光垂休

銘



古詩紀卷五

欽定四庫全書

集部
古詩紀卷
六至
八

詳校官檢討臣德生

侍讀臣孫球覆勘

總校官知縣臣楊懋珩

校對官中書臣李斯咏

謄錄監生臣朱坦

欽定四庫全書

古詩紀卷六

明 馮惟訥 撰

古逸第六

箴

文心雕龍曰箴者所以攻疾防患喻箴石也斯文
興盛於三代夏商二箴餘句頗存及周之辛甲百
官箴一篇體義備焉迄至春秋微而未絕
故魏絳諷君於后羿楚子訓民於在勤

堯戒

淮南子人間

訓堯戒曰

戰戰慄慄日謹一日人莫躓於山而躓於垤

叶徒
吉反

夏箴

汲冢周書文傳解曰文王受命九年時維暮春在
鄩召太子發曰吾語汝所保所守厚德廣惠忠信
愛人君子之

行夏箴曰

中不容利民乃外次

孔晁注夏禹之箴成書也
利福業次舍于田

夏箴

汲冢周書文傳解曰開皇曰土廣無守可襲伐土
狹無食可圍竭二禍之來不稱之災天有四殃水
旱饑荒非務積聚何以備之
夏箴曰○開皇古書名也

小人無兼年之食遇天饑妻子非其有也大夫無兼年

之食遇天饑臣妾與馬非其有也國君無兼年之食遇

天饑百姓非其有也

注古者國家三年耕必有一年之儲非其有言流亡也

戒之

哉弗思弗行至無日矣

有十年之積者王有五年之積者霸無一年之積者亡

商箴

見玉海

呂氏春秋名

類篇商箴云

天降災布祥竝有其職

以言禍福人或召之也

虞箴

左傳曰魏莊子謂晉侯曰昔周辛甲之為大史命百官箴王闕於虞人之箴曰○按古史辛甲武王

時太史也

芒芒禹跡畫為九州經啓九道叶徒反民有寢廟獸有茂

一作草叶此各有攸處德用不擾叶忍反在帝夷羿冒于

原獸叶如九反忘其國恤而思其麇壯武不可重去聲用

不恢于夏家叶攻反獸臣司原敢告僕夫

大正箴

汲冢周書嘗麥解曰維四年孟夏之初祈禱于宗廟乃嘗麥於太祖即假於太宗少宗少祕於社太史笑刑書九篇以升授大正爰箴大正曰

欽之哉諸正敬功爾頌審三節無思民因順爾臨獄無
頗正刑有掇夫循乃德式監不遠以有此人保寧爾國
克戒爾服世世是其不殆維公咸若

楚箴

見玉海

民生在勤勤則不匱

弟子職

八章

因學記聞曰弟子職漢志附于孝經朱子謂疑是
作內政時士之子常為士因作此以教之又曰大
戴記之夏小正管子之弟子職孔叢子
之小爾雅古書之存者三子之力也

先生施教弟子是則溫恭自虛所受是極見善存之聞
義則服叶溫柔孝弟毋驕恃力志毋虛邪行必正直游
居有常必就有德顏色整齊中心必式夙興夜昧衣帶
必飭朝益莫習小心翼翼一此不懈是謂學則

右學則

少者之事夜寐蚤作既拚盥漱執事有恪攝衣共盥先
生乃作沃盥徹盥汎拚正席叶祥先生乃作出恭敬

如見賓客叶危坐鄉師顏色無怍

右蚤作

受業之紀必由長始一周則然其餘則否叶始誦必作

其次則已凡言與行思中以為紀古之將興者必由此

始後至就席狹至則起若有賓客叶弟子駮作對客無

讓叶平應旦遂行叶趨進受命所求雖不得必以反命

反坐復業若有所疑捧手問之師出皆起

右受業對客

至於食時先生將食弟子饌饋攝衽盥漱跪坐而饋置

醬錯

集作醋

食陳膳毋悖凡置彼食鳥獸魚鼈必先菜羹

叶郎

羹載中別載在醬前其設要方飯是為卒左酒右醬

叶漿

告具而退捧手而立未叶三飯二斗左執虛豆右執挾

七周旋而貳唯噍之視同噍以齒周而有始柄尺不跪
是謂貳紀先生已食弟子乃徹趨走進漱拚前板一作斂

祭

一韻未叶

右饌饋

先生有命弟子乃食以齒相要坐必盡席飯必捧擘羹

不以手亦有據膝無有隱肘既食乃飽循呶覆手振衽
掃席叶已食者作摠衣而降旋而鄉席叶同各徹其餽
如於賓客既徹并器乃還而立

右乃食

凡拚之道實水於盤攘臂袂及肘堂上則播灑室中握
手執箕膺揲厥中有帚入戶而立其儀不忒執帚下箕
倚於戶側凡拚之紀必由奧始俯仰磬折拚毋有徹拚
前而退聚於戶內坐板排之以葉適已實帚於箕先生

若作乃興而辭坐執而立遂出棄之既拚反立是協是稽

右灑掃

奠食復禮昏將舉火執燭隅坐錯總之法橫於坐所

叶疏

果櫛之遠近乃承厥火居句如矩蒸間容蒸然者處下

叶捧椀以為緒右手執燭左手正櫛有墮代燭交坐無

倍尊者叶乃取厥櫛遂出是去上聲○諱苑云此弟子

臺以人執燭檀弓曾子疾革童子執燭是也蒸薪也椀楚辭所謂聽火今之提燈櫛舊本作即叶音燼櫛即皆

假借字正作焱从火从収與舛夔同音焱音
焱朕膝送字皆以焱說文儀字解云焱聲

右執燭

先生將息弟子皆起敬奉枕席問何所趾俶衽則起有
常則否叶先生既息各就其友叶以相切相磕各長其儀

叶五何反周而復始謂弟子之紀

右退習或分有常則否以上為請衽下
為退習今從管子合為一章

祝辭

伊耆氏蜡辭

禮記郊特牲曰天子大蜡八伊耆氏始為蜡蜡也者索也歲十二月合聚萬物而索饗之也○炎帝神農氏其初國伊繼國耆合而稱之故又號曰伊耆氏或曰堯也文心雕龍曰昔伊祈氏始蜡以祭八神其辭云云則上皇祝文愛在茲矣

舜之祠田云云利民之志頗形於言矣

土反其宅

叶遠各反

水歸其壑昆蟲毋作草木歸其澤

叶遠各反

○此祝詞也宅猶安也土安則無崩圯水歸則無泛溢昆蟲謂螟蝗之屬草木各歸根於藪澤不得生於耕稼也

舜祠田辭

見文心雕龍

荷此長耜耕彼南畝四海俱有

桑林禱辭

荀子天畧篇湯旱而禱云云何不雨至斯極也

政不節

叶即字

與使民疾與宮室崇與婦謁盛

叶平聲

與苞

直行與讒夫興與

成王冠頌

見二

家語孔子冠者武王崩成王年十三而嗣立周公攝政以治天下冠成王而朝於祖以見諸侯周公命祝雍作頌曰

令月吉日王始加元服去王幼志服

一作心是

衮職欽若昊

命六合是式率爾祖考永永無極

大戴禮成王冠周公使祝雍
祝王曰達而勿多也祝雍曰

使王近於民遠於佞

叶禰反

嗇於時惠於財

叶前西反

親賢而

使能

叶音泥

士冠辭

八章

儀禮士冠禮始加祝云云
始加緇布冠服玄端爵鞞

令月吉日始加元服

叶蒲北反

棄爾幼志順爾成德壽考惟

祺介爾景福

叶筆助反

再加祝云云○再加
皮弁服素積素鞶

吉月令辰乃申爾服

叶

敬爾威儀淑慎爾德眉壽萬年

永受胡福

胡遐也

三加祝云云○三加

爵弁服纁裳鞬鞞

以歲之正以月之令咸加爾服

叶

兄弟具在以成厥德

黃耆無疆受天之慶

叶墟羊反

醴辭云云○三加

畢賓醴冠者

甘醴惟厚嘉薦令芳拜受祭之以定爾祥承天之休壽

考不忘

醴辭云云○若不醴則醴注醴禮簡尚質也醴禮繁尚文也醴亦賓醴冠者冠有三加故三醴也

旨酒既清嘉薦宜時始加元服兄弟具來叶力反孝友時

格永乃保之

再醴曰

旨酒既滑嘉薦伊脯乃申爾服禮儀有序祭此嘉爵承

天之祐

三醴曰

旨酒令芳籩豆有楚咸加爾服肴升折俎承天之慶

受福無疆

字辭云云○既醴冠者見毋出賓字之

禮儀既備

叶筆力反

令月吉日昭告爾字

叶茲

爰字孔嘉

叶居之反

髦士攸宜宜之于假

叶古

永受保之曰伯某父

仲叔季唯其所當

祭禮嘏辭

儀禮少牢饋食曰主人醑尸尸酢主人佐食取黍授尸尸執以命祝祝受以東北面嘏主人曰

皇尸命工祝承致多福無疆于女孝孫來

讀曰釐賜也亦若賚

女

孝孫

叶須因反

使女受祿于天

叶鐵因反

宜稼于田

叶地因反

眉壽萬

年

叶禰因反

勿替引之

此諸侯之大夫祭禮也

周祭天辭

以下三章俱見大戴禮

文心雕龍曰周之太祝掌六祀之辭是以庶物咸生陳於天地之郊旁作穆穆唱於迎日之拜

皇皇上天照臨下土集地之靈降甘風雨

禮運曰地秉陰竅於山川

庶物羣生各得其所靡今靡古

言履施均

維予一人某敬拜

皇天之祐

古祝辭則云嗣王某或曰一人某王者親告之辭也

祭地辭

薄薄之士承天之神

薄旁薄也易曰乃順承天也

興甘風雨庶卉百

穀莫不茂者

叶字與反

既安且寧維予一人某敬拜下土之

靈

迎日辭

因學記聞曰迎日辭亦見尚書大傳

維某年某月上日

年謂太歲所在月正月也其天地祀辭皆爾省文故日下明之也

明

光于上下勤施于四方旁作穆穆維予一人某敬拜迎

于郊以正月朔日迎日于東郊

古者帝王以正月朝聘率有司迎日于東郊也

所以為萬品先

而尊事天也

祭侯辭

二見

考工記曰梓人為侯張皮侯而棲鵠則春以功張五采之侯則遠國屬張獸侯則王以息燕祭侯之

禮以酒醕

醕其辭曰

惟若寧侯毋或若女不寧侯不屬于王所故抗而射女

強飲強食貽女曾孫諸侯百福

考工記○若汝也寧安也侯之為物捍內蔽外

有諸侯之象馬故假以為戒教諸侯之辭言汝當安為諸侯下若字訓如蓋責之曰毋如此等不寧之侯不服屬于天子之所故立而射之也強飲強食祝神之辭勉之使飲食也既飲食醉飽當以百福遺女曾孫之為諸侯也

嗟爾不寧侯為爾不朝于王所故亢而射女強食爾食

曾孫侯氏百福

禮大戴

田者祝

二見

史記淳于髡傳齊威王使髡于趙請兵禦楚齋金百斤車馬十駟髡仰天大笑冠纓索絕王曰先生少之乎髡曰臣從東方來見道傍有穰田者操豚蹄酒一盃而祝云云臣見其所持者狹而所欲者

奢故

突之

甌窶滿篝

叶斤

汚邪滿車五穀蕃熟穰穰滿家

叶攻乎反○篝

籠也汚邪下地田也

欽定四庫全書

古詩記

上

蟹螺者宜禾汚邪者滿車五穀蕃孰穰穰滿家

荀子注
載此事

其辭全異蟹

螺高地也

越羣臣祝

二章

吳越春秋曰越王勾踐五年與大夫種范蠡入臣於吳羣臣皆送至浙江之上臨水祖道軍陳固陵

大夫文種前

為祝其詞曰

皇天祐助前沈後揚禍為德根憂為福堂威人者滅服
從者昌王離牽致其後無殃君臣生離感動上皇衆夫
悲哀莫不感傷臣請薄脯酒行二觴

太王德壽無疆無極乾坤受靈神祇輔翼我王厚之祉
祐在側德銷百殃利受其福去彼吳庭來歸越國

越王壽吳王辭

吳越春秋曰吳王既釋越王之囚大縱酒於文臺
為越王設北面之坐羣臣皆以客禮事之於是范
蠡與越王俱起為

吳王壽其詞曰

皇在上令昭下四時并心察慈仁者太王躬親鴻恩立
義行仁九德四塞威服羣臣於乎休哉傳德無極上感
太陽降瑞翼翼太王延壽萬歲長保吳國四海咸承諸

侯賓服觴酒既升永受萬福

大夫種祝越王辭

二章

吳越春秋曰越王既滅吳霸諸侯置酒
文臺犀臣為樂大夫種進祝酒其辭曰

皇天祐助我王受福良臣集謀我王之德宗廟輔政鬼神承翼君不忘臣臣盡其力上天蒼蒼不可掩塞觴酒二升萬福無極

我王仁賢懷道抱德滅讐破吳不忘返國賞無所恠羣邪杜塞君臣同和福祐千億觴酒二升萬歲難極

繇辭

夏后鑄鼎繇

周學記聞曰大卜三兆其頌皆千有二百夏后鑄鼎繇云云懿氏占成季卜曰間于兩社為公室輔驪姬繇衛侯繇曰如魚窺尾衡流而方羊裔焉漢文兆曰大橫庚庚余為天王夏啓以光皆龜繇也

逢逢白雲一南一北一西一東九鼎既成遷于三國

懿氏繇

左傳曰懿氏卜妻陳敬仲其妻卜之云云懿氏陳大夫卜以女妻敬仲

鳳凰于飛和鳴鏘鏘有媯之後將育於姜五世其昌竝

於正卿

叶墟羊反

八世之後莫之與京

叶居良反○媯陳姓姜齊姓並於正卿即

桓子大於齊莫之與京謂成子得政

伐驪繇

國語晉獻公卜伐驪戎史蘇卜之曰勝而不吉公曰何謂也對曰遇兆曰

挾以銜骨齒牙為猾戎夏交猝

挾猶會也骨所以鯁刺入也猾弄也齒牙為猾

以象譏口之為害也此為戎戎獲驪姬亂晉之兆

驪姬繇

晉獻公欲以驪姬為夫人卜之不吉筮之吉公曰從筮卜人曰筮短龜長不如從長且其繇曰

專之渝

叶夷 周反

攘公之瑜

叶同 渝

一薰一蕕十年尚猶有臭

叶丑鴉反 渝變也 攘除也 瑜美也 言變乃除公之美 十年有臭言善易消惡難除也

伯姬繇

左傳音獻公筮嫁伯姬於秦遇歸妹之睽史蘇占之曰不吉其繇曰

士刳

苦圭反

羊亦無盍

音荒

也女承筐亦無貺也

周易歸妹上六爻辭

上六無應所求不獲故下刳無血上承無實不吉之象也

西鄰責言不可償也

將嫁於

西而遇不吉之卦故知有責讓之言不可以償報

歸妹之睽猶無相也

睽乖離之象相

助也震之離亦離之震

二卦變而氣相通

為雷為火為羸敗姬

羸秦

姓姬晉姓火動熾而害其母
故為女嫁反害其家之象

車說其輓火焚其旗不利

行師敗於宗丘

叶丘於反○震為車離為火上六爻在
震則無應故車脫輓在離則失位故火

焚旗言皆失車旗之用也車敗旗焚
故不利行師火還害母故敗在宗邑

歸妹睽孤寇張之

孤

此睽上九爻辭也處睽之極失位
孤絕故遇寇難而有弓矢之警

姪其從姑

震為木
離為火

火從木生離為震妹於
火為姑謂子圍質秦

六年其逋逃歸其國而棄其家

叶攻乎反家謂
子圍婦懷羸

明年其死於高梁之虛

惠公死之明年
文公入殺懷公

於高梁高
梁晉地

鄆陵繇

左傳成公十六年晉侯將伐鄭鄭人使去於楚楚子救鄭六月晉楚遇於鄢陵公筮之史曰吉其卦

遇復

曰

南國蹙射其元王中厥目

復陽長之卦陽起於子南行
催陰離受其咎離為諸侯又

為日陽氣激
南飛矢之家

孫文子繇

左傳襄公十年衛侯救宋師於襄牛鄭皇耳帥師
侵衛楚令也孫文子卜追之獻兆於定姜姜氏問
繇云云姜氏曰征者喪雄禦寇之利也大夫圖之
衛人追之獲鄭皇耳於犬邱○孫文子衛大夫定
姜衛定
公夫人

非如山陵

叶良中反

有夫出征而喪其雄

誄

文心雕龍曰尼父卒哀公作誄觀其慙遺之切嗚呼之歎雖非韻作古式存焉至柳妻之誄惠子則

解哀而

韻長矣

孔子誄

二見

昊天不弔不慙遺一老

叶胡口反

俾屏余一人以在位斃斃

余在疚嗚呼哀哉尼父

叶扶能反

無自律

左傳註曰律法也言喪尼父無自以

為法

天不遺耆老若相予位焉嗚呼哀哉尼父

檀弓

柳下惠誄

列女傳柳下惠死門人將誄之妻曰將誄夫子之德耶則二三子不如妾知之也乃誄曰

夫子不伐

叶扶廢反

兮夫子之不竭

叶去例反

兮夫子之信誠而

與人無害

叶假憇反

兮柔屈從俗不强察

叶子例反

兮蒙耻救民

德彌大

叶徒帝反

兮雖遇三黜終不弊兮宣弟君子永能厲

兮嗟呼惜哉乃下世兮庶幾遐年今遂逝兮嗚呼哀哉

覓神泄

叶私吏反

兮夫子之諡宜為惠兮

欽定四庫全書

古詩紀
卷六

六

古詩紀卷六

欽定四庫全書卷

古詩紀卷七

明 馮惟訥 撰

古逸第七

雜辭

岫嶮碑

徐靈期衡山記云夏禹導水通瀆刻石書名山之
高王象之與地記云禹碑在岫嶮峯又傳在衡山
縣雲密峯宋嘉定中蜀士因樵人引至其所以
紙溺其碑七十二字刻於夔門觀中後俱亡

承帝曰嗟翼輔佐卿州渚

一釋水處

與登鳥罟之門參身宏

流

一釋
魚池

而明發爾興久旅忘家宿嶽麓庭智營形析心

罔弗辰往求平定華嶽泰衡宗䟽事哀勞餘伸禋鬱塞

昏徙南瀆衍亨

一釋南
慕昌言

衣制食備萬國其寧窳舞永弁

禹玉牒辭

祝融司方發其英沐日浴月百寶生

投壺辭

二章

左傳晉侯以齊侯宴中行穆子相投壺晉侯先穆
子云云中之齊侯舉矢云云亦中之昭公十二年

晉穆子

有酒如淮有肉如坻寡君中此為諸侯師

齊景公

有酒如澠有肉如陵寡君中此與君代興

渾良夫諫

左傳衛侯夢于北宮見人登昆吾之觀被髮北面而諫曰○哀公十五年衛蒯聵為太子與渾良夫盟曰苟使我入蒯國服冕乘軒三死無與良夫與太子迫孔懼逐軌自立是為莊公十六年衛侯謂渾良夫曰吾繼先君而不得其器若之何良夫代執火者而言曰疾與亡君皆君之子也召之而擇材焉可也若不材器可得也聖告太子太子使五人與緹從已劫公而強盟之且請殺良夫公曰其

盟免三死曰請三之後有罪殺之公曰諾哉十七年春衛侯為虎幄於藉圃成求令名者而與之始食馬太子請使良夫良夫乘衷甸兩牡紫衣狐裘至袒裘不釋劍而食太子使齊以退數之以三罪而殺之

登此昆吾之虛繇繇生之瓜余為渾良夫叫天無辜

繇繇

瓜初生也良夫善已有以小成大之功若瓜之初生謂使衛侯得國也本盟免三死而并數一時之事殺之故自謂無辜

狐援辭

二章

呂氏春秋曰狐援說齊湣王王不受狐援出而哭五日其辭云云齊王問吏曰哭國之法若何吏曰

新王曰行法欲
援乃言云云

先出也衣締

一作縗

紵後出也滿囿囿吾今見民之洋洋

然東走而不知所處

一作吾見今之人洋洋東走而不知所處

有人自南方來鮒入而鯢居使人之朝為草而國為墟
殷有比干吳有子胥齊有狄援已不用若言又斲之東
閭每斲者以吾參夫二子者乎

士卒昌

一曰相士卒

戰國策曰田單攻狄不克懼問魯仲連仲連曰將
軍之在即墨坐則織簞立則杖鉞為士卒昌云云

當此之時將軍有死之心士卒無生之氣聞
若言莫不揮泣奮臂而欲戰此所以破燕也

無可往矣宗廟亡矣今日尚矣歸何黨矣

晉叶平聲戰國策註曰尚

近也通鑑作無可往矣宗廟亡矣今日尚矣歸於何黨矣注曰尚庶幾也言單於其時蓋言曰今日之事尚庶幾焉黨類也言戰有勝負不死則降得歸於何類也

成相雜辭

三章

朱子曰成相者楚蘭陵令荀卿子之所作也此篇
在漢志號成相雜辭凡二章雜陳古今治亂興亡
之效託聲詩以風時君相者助也舉重勸力之歌
史所謂五段大夫死而春者不相忤是也卿學要
為不醉釋其言精神相反為聖人意乃近於黃老
而復後王君論五者或頗出入申商間此其所以

傳不一再而為督

青坑焚之禍也

請成相世之殃愚闇愚闇墮賢良人主無賢如瞽無相

何佞佞

相叶平聲墮詐規反
佞丑羊反狂惑之貌

請布基慎聖人愚而自專

事不治主忌苟勝羣臣莫諫必逢災

慎讀為順人叶兒
治叶平聲災叶滋

論臣過反其施尊主安國尚賢義拒諫飾非愚而上同

國必禍

過叶規義叶平聲禍叶許規反論論而治之也
言治臣下之過者必當自省而反其所為愚而

上同謂自愚暗又
欲使人同已也

曷謂罷國多私比周還主黨與施遠

賢近讒忠臣蔽塞主勢移

罷讀為疲
還繞也

曷謂賢明君臣上

能尊主愛下民主誠聽之天下為一海內賓

賢叶胡鄰反謂賢臣

也主之孽讒人達賢能遁逃國乃廢愚以重愚闇以重

闇成為桀紂世之災妬賢能飛廉知政任惡來卑其志

意大其園囿高其臺

能叶奴來反惡來飛廉之子父子俱以材力事紂

武王怒

師牧野紂卒易鄉啓乃下武王善之封之於宋立其祖

怒叶上聲野叶上與反鄉讀為向啓微字名下叶音戶降也

世之衰讒人歸比干見

剗箕子累武王誅之呂尚招麾殷民懷

剗音枯累讀為縲懷胡威反

世之禍惡賢士子胥見殺百里徙穆公得之強配五伯

六卿施

禍叶許詭反六卿天子之制春秋時大國亦借置六卿六卿施言施六卿也施叶上聲

世

之愚惡大儒逆斥不通孔子拘展禽三絀春申道綴基

畢輸

綴輟同止也輸傾委也

請收基賢者思堯在萬世如見之讒

人罔極險陂傾側此之疑

陂與阪同言賢者必常見思雖久不忘但讒人必欲毀之

使人君疑於此人也

基必施辨賢罷文武之道同伏戲由之者治

不由者亂何疑為

戲義同

凡成相辦法方至治之極復後

王慎墨季惠百家之說誠不祥

後王當時之王謂當自立復為一王之法不必

泥古也慎慎到墨墨翟惠惠施季季梁季梁楊朱之友也祥善也一作詳

治復一修之吉君

子執之心如結衆人貳之讒夫棄之形是詰

結叶吉衆人則不能

復一撓夫則兼棄之但詰問治之形狀言侮慢也或曰形當作刑如此之人皆當以刑詰之也

水至平

端不傾心術如此象聖人

闕一字

而有執直而用柅必參

天

柅余制反天叶鐵因反柅引也未詳

世無王窮賢良暴人芻豢仁人糟

糠禮樂滅息聖人隱伏墨術行

叶戶郎反

治之經禮與刑君

子以脩百姓寧明德慎罰國家既治四海平

闕

治之志

後勢富君誠之好以待處之敦固有深藏之能遠思

叶富

音賈有讀為又思叶去聲後權勢與富者則公道行而貨賂息誠之好以待者誠意好之以待用也處之厚固

又能深藏則能遠慮也

思乃精志之榮好而一之神以誠精神相

反一而不貳為聖人

相反謂反覆不離散也

治之道美不老君子

由之佼以好下以教誨子弟上以事祖考

老休息也為治當日新其

美無休息也

成相竭辭不廢君子道之順以達宗其賢良辨

其殃孽

右一章

請成相道聖王堯舜尚賢身辭讓許由善卷重義輕利

行顯明

讓叶平聲卷音奉明叶音芒莊子堯讓天下於許由辭讓天下於善卷

堯讓賢以

為民汜利兼愛德施均辨治上下貴賤有等明君臣

賢叶

形為去聲

堯授能舜遇時尚賢推德天下治雖有賢聖適不

遇世孰知之

能叶尼治叶平聲

堯不德舜不辭妻以二女任以

事大人哉舜

句

南面而立萬物備

德叶音帝辭叶音似妻去聲不德不辭皆

以至公也

舜授禹以天下尚德推賢不失序外不避仇內不

阿親賢者子

序子並叶土聲仇謂死緣

禹勞心力堯有德干戈不用

三苗服舉舜眈眈任之天下身休息

眈與同

得后稷五穀

殖夔為樂正鳥獸服契為司徒民知孝弟尊有德闕禹

有功抑下鴻辟除民害逐共工北決九河通十二渚疏

三江

叶姑紅反抑遏也下治水使浸下也鴻洪水也

禹溥土平天下躬親為民

行勞苦得益臯陶橫革直成為輔

溥讀為數下叶後五反呂氏春秋云得陶

化益真窺橫革之交五人佐禹故功績銘乎金石著於盤孟陶即臯陶也化益即伯益也真窺即直成也橫革即橫革也皆禹輔佐之名契玄王生昭明居於砥石遷於商十有四

世乃有天乙是成湯

明叶芒昭明契之子砥石即砥柱也

天乙湯論舉當

身讓卞隨舉牟光道古賢聖基必張

當叶平聲牟與務同湯讓天下於卞

隨務

光願陳辭世亂惡善不此治隱諱疾賢良由姦詐鮮

無災患難哉阪為先

災叶戕西反先叶前西反隱諱過惡疾害賢良長用奸詐鮮無災也

○此節有脫誤

聖知不用愚者謀前車已覆後未知更何覺時

聖上亦脫六字謀音廉後後車也更平聲改也

不覺悟不知苦迷惑失指易上

下忠不上達蒙掩耳目塞門戶

悟叶上聲下叶音戶

門戶塞大迷

惑悖亂昏莫不終極是非反易比周欺上惡正直

莫冥冥言

闇也不終極無已時也

正是惡心無度邪枉辟回失道途已無鄰

人我獨自美豈無故

辟讀為辟達叶去聲邨一作尤言不可尤責於人自美其身蓋此事

之得失必有其故當自省也

不知戒後必恨後遂過不肯悔讒夫多

進反覆言語生詐態闕人之態不如備爭寵嫉賢利惡

忌妬功毀賢下歛黨與上蔽匿

如當作知匿叶奴計及言人之詐態上若不知

為備則有疾忌蔽匿之患也利惡忌謂以惡忌賢者為己利也

上壅蔽失輔勢任用讒

夫不能制孰公長父之難厲王流于彘

孰當為郭郭公長父皆厲王之

驥臣未詳其姓名

周幽厲所以敗不聽規諫忠是害嗟我何人

獨不遇時當亂世

闕

欲對表言不從恐為子胥身離凶

進諫不聽劉而獨鹿棄之江

獨鹿異鹿小罟也子胥自劉之後盛以小罟而棄之

江也一說獨鹿與獨鏤同吳夫差賜子胥之劍名江叶工

觀往事以自成治亂是非

亦可識託於成相以喻意

戒叶計識如
字讀如志

右二章

請成相言治方君論有五約以明君謹守之下皆平正

國乃昌

明叶芒君論有五謂臣下職一也君法明二也刑誨陳三也言有節四也上通利五也臣

下職莫游食務本節用財無極事業聽上莫得相使一

民力守其職足衣食厚薄有等明爵服利往印上莫得

擅與孰私得

服叶蒲北反所興事業皆聽於上羣下不得擅相役使則民力一也民不失職則衣

食足利之所往皆仰於上擅與若齊田氏然耳

君法明論有常表儀既設民知

方進退有律莫得貴賤孰思王

君法所以明在言論有常不二三也進人退人

皆以法律臣下不得以意貴賤則孰有能自相責者乎

君法儀禁不為莫不說善

名不移修之者榮離之者辱孰它師

言為君之法儀在自禁止不為惡則

民皆悅上之教而善名不移也說讀為悅

刑稱陳守其銀下不得用輕闕門

罪禍有律莫得輕重威不分

稱謂當罪當罪之法施陳則各守其分銀與垠同

請收祺用有基主好論議必善謀五聽循領莫不理續

主執持

謀叶音廉祺吉也收治吉祥之事也五聽見周禮折獄之五聽也循領謂修之使得綱領莫不

有文理相續主自執持不使權歸於下也

聽之經明其請參伍明謹施賞刑

顯者必得隱者復顯民反誠

請當為情幽隱皆通則民不詐偽也

言有節

稽其實信誕以分賞罰必下不欺上皆以情言明若日

節叶上通利隱遠至觀法不法見不視耳目既顯吏敬

法令莫敢恣

上通利不壅蔽則幽隱遐遠者皆至也觀之法非法則雖見不視也

君教出

行有律吏謹將之無鉞滑下不私請各以宜舍巧拙

鉞與

披同滑與汨同音骨五倫既明則教令之出皆有法律而吏謹持之無使紛披滑骨者矣羣下孰敢私情不守所宜而以巧拙為強弱哉臣謹脩君制變公察善思論不亂以治天

下後世法之成律貫

臣下但當謹守法度而君制其變公察而善思之則其論不亂天下

後世皆得守之以成法律
之條貫也或疑思當作惡

右三章

古詩紀卷七

欽定四庫全書

古詩紀卷八

明 馮惟訥 撰

古逸第八

詩

石鼓詩

十章

風雅逸篇曰石鼓詩周宣王獵碣也於詩體屬小雅或以為周成王時詩以左傳成有岐陽之蒐證之亦一說也○按古文苑所載石鼓文稱孫巨源得於佛書龕中蓋唐人所錄僅四百九十七言耳帝樵為之考正集釋之又薛尚功鄭樵潘迪諸家咸有音訓然於闕文靡所增益揚用脩自言受學

於李文正公得蘇文忠舊本蓋六百五十七言而
 訓釋亦簡要楊子易以今文傳之矣陝西志亦載
 此文其文悉與楊本同而字畫訓釋頗異今以二
 本參較著之其古文苑舊註有可采者亦間取附
 入註中姓氏薛鄭章潘已見前施
 謂施宿王王厚之蘇疑即文忠也

避

本音吾
讀作我

車既王

籀文工
讀作攻

避馬既同避車既汝

古文
好

避

馬既駢

音阜與駢同馬肥貌一從並
籀文駢音駒北野良馬也

君子鼎鼎

籀文員
通作爰

邈邈

讀作獵

鼎鼎

通作游當讀作君
子爰獵爰獵爰游

麇鹿速速君子出之

求絲絲

古文關
讀作彎

肉

音條

弓

石本弓古及
字舊作弓

弓茲呂

以

岑

本寺
字讀

作時古
文省

避毆駢

其峙

音止

其來趨趨

音亦楊曰
讀作彳

趨趨

音憲

𩇛𩇛

大來切今作矣
音臺煙塵也

郎邀

邀音仰與
邀小異

即時麀鹿趨趨

音仰

其

來大塗

音茂大
道也

邀毆其穢

朴同楊曰
讀作僕

其來趨趨

音獨

攷

古文

射

其翮

音堅獸三歲
曰肩揚作豚

蜀

讀作屬
古省文

右一

薛作辛文
鄭作丙文
重文十
共七十六字

文六十六
一十九句

汧

汧音牽
水名

毆

王曰古也
字見詛
楚文楊云音緊

沔

帝音泛泛當作沔
篆文反正為乏今

從可
恐非

丞

與丞
同

𠂔

籀文皮
讀作彼

漚

古文苑作
漚楊作潮

淵鯁

古文鯁

鯁處

上聲

居叶作

出君子濠

漁

出瀟瀟

瀟通
作漫

又

通作有
下皆同

𩇛

古薰字
魚名

其

游

趨趨

音散叶
作跣

帛

讀作白
下同

臭

魚

𩇛𩇛

音洛
白兒

其蘓

蘓與
蘓同

氏 古作底至也

鮮黃帛其鱣 古文編

又鱣 今作鱣

又鯢 即白字

志云與鱣

同叶音綿

其胡 乞反切

孔戾 戾魚

鱣 鱣魚

出夔夔 音決獸似狂狂下當从夔楊從史註

可 讀作何亦古省

真切云生

望望 籀文洋

趨趨 音搏

其臭佳 讀作惟古文

可 讀作何亦古省

同文下

佳鯉 似呂切

佳鯉可巨索 晉刀切隸作索又作索音托

出佳楊及

柳 古文柳

右二

薛作戊文重文七

鄭作甲文共六十八字

文六十一一十七句

施云石鼓中唯此完好無一字磨滅然字多假借世既逾遠不能盡知故義亦有不通處更俟博雅君子辯而釋之庶可補雅頌之亡逸

田車孔

章作既

安鑿

音條鑿首

勒駢駢

駢與駢同馬行也

六帶

古文

師

既簡左駢旂旂

妨圓切旂旗總名

右駢駛駛

紀偃切壯健兒

避吕陵

古作濟

弓遽

古原

避戎止

石木

阮

古文

宮車其寫

寫舍也請如却史記秦每破諸侯寫放其宮室

秀弓

秀道作繡繡弓戎弓也穀梁傳弓繡質

寺

馭麋豕孔戾麇鹿雉兎其遽又

有 纒

飾或作

其戎齽齽

音奔又作走音秦鄭本有鹵字在大字上音通古直字也

大車出各

洛

亞

古文作惡亞

獸

楊作

白臭

古文澤白澤獸名

避軌而勿馭

叶音

多戾趨趨

音力叶音

約 君子道

音乃楊

樂

音洛

右三

薛作丙文 鄭作丁文 文六十九
重文五 共七十四字 一十八句

帥

帥

及鑿車榮

音忽疾也 下
从本音叨

救

音速 讀作填
古文省

如秀弓乳

碩

叶式 畧反

彤矢奕奕

古鏃字

四馬其寫六繮

繮

沃若徒

徒 馭

駛從馬 从便 舊本云 未詳 楊云 恐當作駢

孔戾廳

廓 騎實

籀文 宣

博

古文苑作 廓宣搏搏

崗

鄭云 即商字 通作 翰石本 作省音首

車觀

古文 載

衍

古文 道

如徒如章 蘧溼

古文 濕

陰陽趨趨

音池 調和 閑習之貌 鄭 作趨 即趣字 七走反

六馬攷

射

出矧

矧

籀文 族矢 鋒也 叶音糊

又

有

軀

音 樞

如虎獸 鹿如眾

兕

台

讀作怡 古省文

邇多賢 邇

音 備

禽叢

奉

雉避兔 允異

右四

薛作丁文
重文三

鄭作戍文
共七十二字

文六十九
一十八句

避來自東

古文苑有
淒淒二字

雷

古
魯

雨奔櫛

古文
流

逆湧盈盈淙

與淙同音屑
楊云水名

溼

古文
濕

君子既步

古文
涉

避馬櫛汧汧

古文
苑無

重文 毆

洎

同
俱有重文

淒

二字古文
苑

丞

士駟

古文
駕

言鹵

古文
西

遘

籀文
歸

方

舟
船

自廳

廓

徒馵

揚作
駢

連連

音
綽

佳

維 卣

衍

道

或陰或陽極

即笈字志
云音結

澗卣戶出亏水一方

豨徒

遑

楊作
俚

止其奔避

古文苑作其
奔其故音禦

卣且

讀作阻
古省文

其固

乃 吏

古文 事

右五

薛作壬文
重文三

鄭作芋文
共六十九字

文六十六
一十六句

寘猷乍

古文作

邊乍周衛

導

追

省文

戎

我

詞

籀文

攸除

帥及阪田莽

舊音莽或作
莽居幽切

為由里

世以三十為世施云
世三十也以三十為

世書家謂之會意佛書謂之
二合字由蘇合反非世字也

希微德德

音

直

乃

罔

古丈

黍

黍木汁也可以髮
物別作漆水名

臬

籀文

柞

音昨

械

音域

白

其拔

搬

即搜字
音宗

榕

音咎又

肅肅

未詳音義揚作
肅或云遊字

鳴

條

山

亞

若
其考

華

可

何

為所旂

豎豎

音變或

水

音利或

衛

音

古文
音

釵

樹

纆

與幽

音

古文

右六

薛作庚文 鄭作乙文 重文三 共五十五字

文五十二

施云此鼓乃皇祐間向傳師搜訪而得者每行未僅存四字故今所傳皆斷續不成文

徒避嘽嘽

音檀 臧也

然

而師旅

章云旅字之下磨減二字

真

然會

同又

有楊云 如字

繹呂左

施云左字下有懸字今碑本磨減

戎律

音車律 隄 蘇

蹟作 降

弓矢孔戾滔滔是戲

熾

攷夫寫矢

古文苑 有不字

其復

即 奪

字 非

古文 舉

紫

音自積禽也 詩助我舉紫

其徒甫

鄭作肝音 吁蘇作肝

來或羣或

爻

友

悉率左右燕樂

音洛

天子來嗣王始授授

振音復 真復

古我來攸止

次定四庫全書

古詩紀

五

右七

薛作甲文
重文三

共六十二字

文五十九
一十五句

辰

走

躋躋

未詳音義
鄭音劑

馬廐

即廐字音標或
云音袍廐屬

皙皙

雉

音緋似兔
青色而大

太

舊音位

多戾微我師氏憲憲文武可

如其一

右八

薛作巳文
重文四

鄭作庚文
共二十七字

文二十三

施云此鼓最磨
滅不復成文

避水既澌

與淨同

避術

導道作道

既兮避行既止嘉鼓劓里天

子永窻

古文寧

日佳

惟

丙晷

申

旭杲杲避其霏

籀文旁
爾雅二

窳

通作掩

勿伐齒

若石本作齒或云單字

而出奇

奇

進獻

古文獻

用特

邇格甄

藝同

祖告于大祝

禘嘗

受

古文受

會

享

致其方甄

與藝

同叶音亦

寓逢中

籀文中

闕

籀文圓

孔戾鹿鹿遽溼既坦疆理豳

豳

音蕃盛也

大田不按

音蒐即搜字

君子可

何

求又

有

謀又始周

爰止于是

右十

薛作癸文重文一

鄭作巳文

文七十二共七十三字一十八句

蠶叢詩

四章雅逸篇題

曰蠶叢不知何據

華陽國志巴志篇其氏質直好義土風敦厚有先民之流故其詩曰

川崖惟平其稼多黍旨酒嘉穀可以養父野惟阜丘彼稷多有嘉穀旨酒可以養母

其二

祭祀之詩

惟月孟春獮祭彼崖

叶魚羈反

永言孝思享祀孔嘉

叶居反

彼

黍既潔彼儀既澤蒸命良辰祖考來格

其三

好古樂道之詩

日月明明亦惟其名誰能長生不朽難獲

其四

好士樂道之詩

惟德實寶富貴何常我思古人令問令望

平聲

佹詩

佹詩者荀卿子之所作也或曰荀卿既為蘭陵令客有說春申君者曰湯以亳武王以鎬皆有天下今荀子賢而君借以百里之勢臣為君危之春申君乃謝荀子荀子去之趙人又說春申君曰昔伊尹去夏入殷殷王而夏亡管仲去魯入齊魯弱而齊強賢者所在其君未嘗不尊榮也今荀子天下賢士君何為謝之春申君又使人請荀子荀子不還而遺之賦蓋即此佹詩也

天下不治請陳佹詩

佹與詭同佹異激切之詩也

天地易位四時易

鄉列星隕墜日暮晦盲

叶

幽闇登昭

或作照

日月下藏公

正無私反見縱橫

叶音黃反見謂為縱橫反覆之人也

志愛公利重樓䟽

堂

愛猶貪也竊取公家之利而反得華屋以居也

無私罪人愆

儻

華二兵

叶通旁反

懲戒也革甲也二副也言無私心而治有罪之人反恐為所害而常為兵革以備之也

道德純備

讒口將將

讀作鏘

仁人絀約教

儻

暴擅強天下幽險恐失

世英

叶

螭龍為蟻蜨

音假

鳩臯為鳳凰比干見剗孔子

拘匡昭昭乎其知之明

叶

也郁郁乎其過時之不祥也

拂乎其欲禮義之大行

叶

也郁與拂字疑錯互

闇乎天下之晦

盲

叶

也皓

與昊同

天不復憂無疆也千秋必反古之常也

弟子勉學天不忘也聖人共手時幾將矣

其讀為拱拱手言不得用

也將謂時運將開也

與愚亦疑願聞反辭

此為弟子問詞

其小歌也念彼

遠方何其塞

疑作塞

矣仁人絀約暴人衍矣忠臣危殆讒

人般矣

般叶蒲典反般樂也集作服用也

璇玉瑤珠不知佩

叶

也雜布

與錦不知異也閭姆

子侯反

子奢莫之媒

叶莫佩反

也嫫母刀

父是之喜

許既反

也以盲為明以矐為聰以危為安以吉

為凶嗚呼上天曷維其同

荀卿與春申君書後賦

見戰國策

寶珍隨珠不知俾

上聲

兮禕衣與絲不知異

上聲

兮閭妹子

奢莫知媒

古音美

兮嫫母求之又甚喜之兮以瞽為明以

聾為聰以是為非以吉為凶嗚呼上天曷謂其同

風雅逸篇

曰按戰國策及韓非子荀卿為書謝春申君書後有此賦即荀子書中佹詩之少歌也佹詩其為春申君作乎又按春秋後語載蘇秦上秦王書書後亦有韻語後世類書引之以為蘇秦之詩秦語今附此後

蘇秦上秦惠王詩

言語相結

盧藏用春秋後語注曰結音吉古韻叶也

天下為一合從連橫

音黃

兵革不藏文士竝飭諸侯亂惑萬端俱起不可勝理科

條既備民多偽態

音替

書策稠濁

厨玉反

百姓不足上下相

愁民無所聊

音留

明言章理甲兵愈起辯言偉服

蒲北反

戰

攻不息繁稱文辭天下不治

平聲

舌敝耳聾不見成功行

義約信

音新

天下不親

遊南嶽讚

王子年拾遺記曰舜葬蒼梧之野有鳥如雀常遊丹海之際時來蒼梧之野銜青砂珠積成壘阜名曰珠丘冥珠輕細風吹如塵起名曰珠塵今蒼梧之外山人採藥時有青石圓潔如珠服之不死故仙人方迴遊南嶽有七言讚○劉向列仙傳曰方迴堯時隱人

珠塵圓潔輕且明有道服者得長生

遊海詩

十真記曰審先生者古之神仙在黃帝之前常遊崑丘之外有蘭沙之地去中都萬里其沙如細塵風吹成霧泛泛而起有石藍之花輕而堅勁千年一開隨風霏霏名曰青藍花又有魚鼈龍蛇飛於塵霧中先生常遊其地食飛魚而死臥沙百餘年蹶然而起形容復故乃作遊海詩○列仙傳曰審

封子黃

帝時人

奇藍灼灼千載舒百齡暫死食飛魚

采藥詩

拾遺記曰閩河之北有紫桂成林其實如棗羣仙餌焉韓終采藥四言詩云

閩河之桂實大如棗得而食之後天而老

時俗四言詩

拾遺記曰成王五年因祇之國去王都九萬里其大夫勤於耕稼一日鋤十頃之地貢嘉禾一莖盈

車故時俗

四言詩云

力勤十頃能致嘉穎

古詩紀卷八

欽定四庫全書

集部
古詩紀卷九

詳校官檢討臣德生

侍讀臣孫球覆勘

總校官知縣臣楊懋珩

校對官中書臣李斯咏

謄錄監生臣朱坦

欽定四庫全書

古詩紀卷九

明 馮惟訥 撰

古逸第九

逸詩

支

玉海
逸詩

國語衛彪傒曰武王克殷作此詩以為飢歌名之曰支以遺後人使永監焉夫禮之立成者為飢昭明大節而已少曲與焉是以為之日惕欲其教民戒也○常昭註曰立成為立行禮不坐也又曰立

曰飢坐

曰晏

天之所支不可壞也

叶胡隈反

其所壞亦不可支也

辟雍

二見凡三章

因學紀聞曰大傳引樂曰舟張辟雍鶴鶴相從樂經也

舟張辟雍鶴鶴相從八風回回鳳凰喈喈

叶堅美反尚書大傳

有昭辟雍有賢泮宮田里周行濟濟鏘鏘相從執質有族以文

敕爾瞽率爾衆工奏爾悲誦

音容

肅肅雖雖無怠無凶

周官

註

狸首

見二

禮記射義諸侯以
狸首為節詩云

曾孫侯氏四正具舉大夫君子凡以庶士小大莫處御

於君所以燕以射則燕則譽

見禮記○曾孫者諸侯推本始封之君故以曾孫言

也四正謂舉正爵以獻賓獻君獻卿獻大夫凡四也四獻皆畢然後射處謂處其職而不來也以燕以射先行燕禮而後射也則燕則譽燕安也言君臣上下以射而習禮樂則安樂而有名譽也

質叅既設執旌既載

叶子計反

干侯既抗中獲既置弓既平

張四侯且良決拾有常既順乃讓

叶如陽反

乃揖乃讓乃躋

其堂乃節其行

叶寒剛反

既志乃張射夫命射射者之聲御

車之旌既獲卒莫

見大戴禮投壺篇困學紀聞曰此命射之辭也

黃竹詩

三章○玉海逸詩

穆天子傳曰丙辰天子遊黃臺之丘獵於葦澤有陰雨天子乃休日中大寒北風雨雪有凍人天子

作詩三章

以哀民

我徂黃竹

缺一字

員閔寒帝收九行

行道也言收雅九域之道里也

嗟我

公侯百辟冢卿

叶

皇我萬民

皇正也

旦夕勿忘

恒念之也

我徂黃竹

缺一字

員閔寒帝收九行嗟我公侯百辟冢卿

皇我萬民

叶謀郎反

旦夕勿窮

叶渠王反令無困也

有皎者駱

駱鳥名音洛

翩翩其飛

叶匪反

嗟我公侯

缺一字

勿則

遷居樂甚寡不如遷土

居無求安

禮樂其民

叶彌延反○言當以禮樂化其

人也本傳註曰自侯以下似當云百辟冢卿皇我萬民○勿則遷

祈招詩

音韶 玉海逸詩

左氏傳昔穆王欲肆其心周行天下將皆必有車轍馬跡焉祭公謀父作祈招之詩以止王心是以獲沒於祇宮其詩曰○謀父周卿士祈父周司馬招其名也祭公方諫遊行故指司馬而言

祈招之惜惜式昭德音思我王度式如玉式如金形民

之力而無醉飽之心

借惜安和貌金玉取其堅重形謂量其力而賦役之如制器者各隨

其形也家語作刑謂虐用民力而不知厭也

徵招角招

見孟子

招與韶同齊有韶音之遺故孔子在齊聞韶

畜君何尤

無射

汲冢周書晉平公使叔擊于周見太子而與之言五稱而五窮歸告公曰太子晉行年十五而臣弗能與言君請歸聲就復與田師曠曰不可請使膜臣師曠見太子三稱三告善王子曰請入坐遂敷

席注 瑟師曠歌無射乃
注 瑟於王子王子歌嶠

國誠寧矣遠人來觀

轉音

脩義經矣好樂無荒

嶠

何自南極至于北極絕境越國弗愁道遠

轡之柔矣

汲冢周書曰師曠見周太子晉歸太子賜乘車馬
馬曰太師亦善御之對曰御吾未之學也王子曰
汝不為夫時詩
云云以是御之

馬之剛矣轡之柔矣馬亦不剛轡亦不柔志氣應應

叶必

曲反

取與不疑

叶疑尤反左傳國子賦轡之柔矣註云義取寬政以安諸侯若柔轡之御剛馬

驪駒

漢書儒林傳王式曰客歌驪駒主人歌客無庸歸驪駒者客欲去歌之也

驪駒在門僕夫具存驪駒在路僕夫整駕

白水

二見

寗戚每之見管仲也巫稱曰浩浩乎儵儵乎管仲不解歸而不怡有少妾問焉仲曰非而與知也妾曰毋少少毋賤賤仲以語之妾曰寗子殆欲室也古有白水之詩云

浩浩白水儵儵之魚君來召我我將安居國家未立從

我焉如

列女傳

浩浩者水育育者魚未有室家而召我安居

水浩浩然
威大魚育

育然相與而遊其中喻時人皆得配偶以居
其室寤寐有伉儷之思故陳此詩以見意

鼓缶

淮南子

君子有酒小人鼓缶雖不見好亦不見醜

以上逸詩篇名斷

章存者凡十一篇

逸詩

下

左傳

八章

翹翹車乘招我以弓豈不欲往畏我友朋

陳敬仲引
詩莊二十二

年

我無所監夏后及商用亂之故民卒流亡

俟河之清人壽幾何兆云詢多職競作羅

子駟引周詩
兆卜詢謀職

主也言以兆詢於多人則
各執一見相競而羅列

雖有絲麻無棄菅蒯雖有姬姜無棄蕉萃凡百君子莫

不代匱

蕉萃即憔悴
古蕉字音憔悴

周道挺挺我心扃扃講事不令集人來定

挺挺正直也
扃扃明察也

講謀也言謀事不善
當集賢人以定之

禮義不愆何恤乎人言

子產引
逸詩

淑慎爾止無載爾偽

我之懷矣自詒伊感

論語 二章

巧笑倩兮美目盼兮素以為絢兮

棠棣之華偏其反而豈不爾思室是遠而

晉書亦載作
唐棣唐棣耶

李也毛詩有兩棣唐棣之華鄂不韡韡彼爾維何維常
之華鵲巢唐棣之華與此棠棣不同黃公紹曰唐棣亦

欽定四庫全書

卷九

棣也索棣白棣也反遠二字亦兩讀一讀反遠皆如字陸佃云其花反向後合凡木之華皆先合後開此華先開後合一讀反與翻同言花之搖動也遠叶於元反

禮記 二章

昔吾有先正其言明且清國家以寧都邑以成庶民以

生誰能秉國成不自為政卒勞百姓

見緇衣篇註云昔吾有先正五句遠

詩也下三句見小雅節南山之篇李善文選註引首四句云子思子詩

相彼盍旦尚猶患之

見坊記篇註云盍旦夜鳴求旦之鳥患猶患也言盍旦欲反夜作晝

求所不當求者人尚惡之況入臣而求犯其上乎鹽鐵論亦載此盍旦作鴟旦月令作鴟鴞或作渴旦

大戴禮

二章

東有開明於時雞三號以興庶虞庶虞動蜚征作民嗇

執功百草咸淳

見四代篇因學紀聞註曰開明避景帝諱也景帝諱啓庶虞蓋山虞澤虞之屬

馬融廣成

頌用飛征

魚在在藻厥志在餌

用兵篇註曰由心在於利用兵以取危蓋逸詩也

孔子家語

皇皇上天其命不忒天之以善必報其德

說苑皇皇上帝其命不忒

天之與人必報有德

管子

鴻鵠將將唯民歌之濟濟多士殷民化之

歌音基淮南子良馬易道

使人欲馳飲酒而樂使人欲歌化山宜切周易神而化之使民宜之皆古音也

晏子春秋

樂矣君子直言是務

墨子 二章

必擇所堪必謹所堪

魚水不務陸將何及

荀子

六章

如霜雪之將將如日月之光明為之則存不為之則亡

國有大命不可以告人妨其躬身

鳳凰秋秋其翼若干其聲若簫

叶踈
鳩反

有鳳有凰樂帝之

心

秋秋猶踏踏謂舞也干楯也帝
蓋謂堯也堯時鳳凰巢於阿

長夜漫兮永思騫兮太古之不慢兮禮義之不愆兮何

恤人之言兮

涓涓源水不壅不塞穀既破碎乃大其輻

叶筆
力反

事以敗

矣乃重太息

墨以為朗

叶盧當反

狐狸而蒼

墨謂閉塞也狐狸而蒼言狐狸之色居然有異君以蔽為

明則臣下誑君言其色蒼然無別猶指鹿為馬者也

列子

良弓之子必先為箕

叶渠尤反

良冶之子必先為裘

箕矢房也注曰

學者先攻其所易然後能成其所難

莊子

青青之麥生陵之陂生不布施死何含珠為

莊子曰儒以詩禮發

家一作冢大儒臚傳曰東方作矣事之何若小儒曰未
解裙襦口中有味詩固有之云云接其鬢摩其颧儒以
金椎控其顛徐別其頰無傷口中
珠司馬註云北逸詩刺死人也

呂氏春秋 四章

將欲毀之必重累之將欲踣之必高舉之

君君子則正以行其德君賤人則寬以盡其力

唯則定國

此亦見左傳然非詩也

于嗟窈兮

呂覽

戰國策

五章

行百里者半於九十

服亂以勇治亂以智事之計也立傳以行教少以學義

之經也

風雅逸篇曰此全與古詩體裁不同姑依本文有詩曰字錄之戰國策注作諺語

大武遠宅不涉

威武之大者遠安定之不必涉其地也

木實繁者披其枝披其枝者傷其心大其都者危其國

尊其臣者卑其主

註云非必逸詩古有此語耳披醜也

樹德莫如滋除害莫如盡

註云泰誓樹德務滋除惡務本一本作書云此亦見左傳

然本文非詩也

淮南子

掩雉不得更順其風

史記

得人者興失人者崩

漢書

二章

四牡翼翼以征不服

九變復貫知言之選

變一
作辨

後漢書

皎皎練絲在所染之

楊終傳

晉書

羽觴隨波

晉書束皙傳曰武帝嘗問三日曲水之義皙曰昔周公城洛邑因流水以汎酒故逸詩曰

羽觴隨波一作羽觴隨波浮

說苑

繇繇之葛在於曠野

叶上與反

良工得之以為締紵良工不

得枯死於野

徐幹中論

相彼玄鳥止於陵阪仁道在近求之無遠

集韻

佞人如蟬

古詩紀卷九